

## ԴԻՄԱՆԱԼ ԵՎ ԴԻՄԱԿԱՅԵԼ Է ՊԵՏՔ

Սեր հասարակությունը մարդակեր հասարակություն է, մենք այդ հասարակությունից ծնված ժողովուրդ ենք և դեպի մարդափրություն ճեղք ենք բացում, հաճախ տեսնում ենք, որ մեր ճանկերը մարդակերի ճանկեր են, մեզ մարդափրությամբ չեն օժուել, և եթե ինքնասնուցմամբ կարողանանք ազգակցվել այս մեծ ու լույս աշխարհին, այդ արդեն իսկապես կյանքի և մեր հաղթանակը կլինի:

ՀՐԱՆՏ ՍԱԹԵՎՈՍՅԱՆ

– Դուք Զեր ողջ գոականությանք մեր կտրված-ոչնչացված-էրոված անտառն եք վերականգնում իր կենդանիներով-մարդկանցով, ծառերը մեկիկ-մեկիկ նորից տնկում ու գուրգուրում: Այսօր, իհարկե, այդ ծառերը, թփերը, կենդանիները, տերերը իրենց տեղերում չեն, Ռոստոմի հրացանն առել, գնացել հայոց սուրբ հողն են պաշտպանում: Ուրեմն ինչքան կերպար ստեղծել, այնքան հայով-զինվորով մեզ շատացրել, ուժեղացրել եք: Գիտենք, որ այս կուտակված սև ամպերը բացելու են խանձարուրները, իրենց արևի տան, գնացածներն ել ետ են գալու իրենց ծառայությանը, իրենց նոր առօրյային: Պարզապես նորից երեխաներ են որբանալու, կանայք՝ այրիանան, փողոցում իրենց միակ ոտքը քարշ տվող մարդիկ հայտնվեն, շատերին ել երբեք չենք տեսնելու: Մեծ հաշվի առաջ դա մեր փո՞քը հաշիվն է:

– Ոչ: Ոչ մի երեխա չպիտի որբանա:

Արդարության մեկ հատիկ չասված խոսքի փոխարեն տես ի՞նչ ծիվաղություն է գալարվում, ինչպես է ժողովուրդ այլանդակվում: Այն փոքր լուսանցքը, որտեղից արդարության լույսը պիտի խփեր, այդ խոռոչից ինչ ծիվաղներ դուրս թռան, երբ կարող էր լինել բացարձակ անարյուն, և կարող էին ժողովուրդները խաղաղ գոյակցել:

Երբ թուրքերը պատրել էին ռազմաճակատը, և տագնապն ընկել էր Թիֆլիս, որովհետև կովկասյան մայրաքաղաքի դոներն այլևս թվում է բաց էին, հայերը պատզամավորություն կազմեցին

դեպի փոխարքայություն, տեսնեն Կովկասի իշխողն ի՞նչ է ասում: Կովկասի իշխողը բեռները կապել էր արդեն, կոմսուհին՝ Վորոնցովա-Դաշկովան, ժնկները ծեծում էր՝ «Վո՞ւ մե, ի՞նչ է լինելու, հասած աղջիկներ ունեմ, Բորչալվի թուրքերը գալիս են»: Դուսանք, որ Բորչալվի թուրքերը իհմա էլ Սիության մայրաքաղաքի դրաներն են ծեծում, և էմսերի տիկինները նոյնպես հասած ու դեռահաս աղջիկներ ունեն: Մեր ցավը գուցե այդպես հասնի նրանց: Այս բոլորը Կենտրոնի, Գորբաչովի մեղքն է և ծանր մեղքը: Իրենց էությունը նրանք իրենց լեզվով ավելի շուտ մատնեցին, քան մենք կհասկանայինք՝ սադրիչ: Պարզ աչքից էլ պարզ խնդիրը իսկապես սադրչորեն չհասկանալու տվին, աղավաղեցին, աղարտեցին, աղտոտեցին, խնդրի լուծնան իրավասուներ ոգեկոչեցին և ապա վկայակոչեցին իրենց իսկ ծնունդը՝ աղորեցանական ֆակտորը: Արցախն արցախցիներին է, իսկ իշխողներն ահա այդ երկրի ու նրա բնակիչների մասին որպես անտեր հոտի կամ այգու խոսեցին: Իշխողներին հասկանալը դժվար է, կովելը՝ ավելի քան դժվար: Դիմա արդեն «թիկնապահ ողջ գվարդիայի» ներկայությունն այստեղ պարտադիր է, այլապես «մեկմեկու արյուն ենք խմում»: «Արցախ»-ներ «այնտեղ Անդրկովկասում» միշտ պիտի ծխան, և Կենտրոնի իշխները միշտ պիտի մարեն ու բորբոքեն, բորբոքեն ու մարեն՝ ապահովեն դատախազի իրենց կայուն ներկայությունը:

— Դուք ասացիք, որ Կենտրոնն ու Գորբաչովն են մեղավոր մեր վիճակի համար: Գորբաչովն՝ իր նախորդները ևս, շատ փոքր են արվածի ոիհմաց, նրանք կենդանի պատվանդաններ ունեն իրենց «սապոգների» տակ, ինչո՞ւ անընդհատ մեղքի առաջնորդներ ենք փնտրում, ինչո՞ւ առաջին հերթին չենք խոսում այն ուժերի մասին, որոնք նարիոնետներին շարժման մեջ են դնում:

— Մարիոնետին շարժման մեջ դնող այդ ուժերն են՝ ուսական շովինիզմը և ներքին թուրքական շովինիզմը, որոնք գոնե մեր վերաբերմամբ խոր համաձայնության, կարելի է ասել, դաշինքի մեջ են — բավարարված են: Նրանցից ոչ մեկի դեմ Գորբաչովը, որքան էլ խոր դեմոկրատ լինի, մեր կողքին չի կանգնի:

Մեր հույսը ամբողջատիրության բերած սոցիալական չարիքի ակներև ստուգությունն է. դա այնքան է իրական, ծանր ու ստույգ, թուն կյանքը դա այնպես է քայլայում, որ իրենց հայրենիքների թուրքալեզու և ռուս ամենաերդվյալ հայրենասերներն անգամ ամբողջատիրության գորաբանակային բարիքները մերժելու են և արդեն մերժում են: Դա մասմավորապես լավ են հասկանում աղորքանական ազգայնականները. Վաղը, երբ ամբողջատիրությունը քայլայված և սեփականատիրությունը վերահաստատված կլինի, նրանք չեն կարող իրենց տեղերից որևէ հայի տեղահան անել՝ ահա թե որտեղից է սկսվում հայաբափական նրանց տենոր:

– Մարիոնետների շարժման ներդաշնակությունն ամենակին չխաբարվեց, երբ շարժող ուժերից մեկը՝ տարատեսակով ազգային ճակատ կոչված, մարդախեղող մատների ծայրով դիպակ Կենտրոնի բյուրեղապակյա բաժակին. այդ բաժակից ուղղակի դողանջային համազարկ դուրս թռավ:

– Մի քիչ այլ պայմաններում ողջունելի պիտի լիներ ժողովրդական այդ զանգվածների ընդվզումը, իբր հանուն նոր կյանքի, և Կենտրոնը պետք է լիներ հետադեմը, բայց ինչպես բոլոր բազմազգ երկրներում՝ շարժումը սայթաքեց և ընկապ ազգամիջյան հարաբերությունների խորխորատ, հակահայկմը դարձավ այսօրվա նրանց նպատակը, թույլ դիմադրության ճանապարհը հրապուրեց նրանց, իրենց մտքի կենդանական բնագործ նրանք չհանդգնեցին սլաքն ուղղել այլ տարրերի դեմ. Բաքվի-Սուլմագյիքի կոտորածներն այդպես առաջացան: Կենտրոնին իր հերթին թվում էր, թե հայերի «փոքր» գոհողությամբ առայժմ կկատեցնի թուղթ ազգայնամոլության հեղեղը, այլև նրա հետ դաշնակցության հունի մեջ կմտնի: Այդ կոմպրոմիսը ինչքան է հեռանկարային՝ իրենք գիտեն, առայժմ մեզ լավ տեսանելի է, որ նրանց սոցիալ-քաղաքական շարժումն այլանդակություն է: Այս ֆոնի վրա այն, ինչ ռեակցիոն պիտի լիներ՝ երեկով կարգուկանոնը, չինովնիկները, ստալինականները՝ ավելի դրական գոյություններ են, քան այսօրվա այլանդակված-

աղավաղված վերակառուցողականները: Կենտրոնի ձեռնահասությունը պիտի լիներ օրվա խնդիրը նույն օրը և տեղերի պրորենները տեղերում լուծելով՝ երկիրը խաղաղ վերակառուցման ճանապարհին դներ, տարբեր հայրենիքներն իրենց ժողովուրդներին հանձներ և գուրգուրար ազգերի կոնֆեղերացիայի վրա:

– Այդ ճանապարհը յոթ սարի ետևում է: Իսկ ուրիշ ճանապարհ հեղաշրջման միջոցով:

– Ես հեղաշրջումից վախենում եմ: Ինձ համար՝ եթե անգամ Ռախա Մաքսիմովնային մի քան պատահի, ես այդ արյունից սարսափելու եմ:

– Մենք՝ մեր քրիստոնյա վախով, իսկ գործը դրանից առաջ չի գնա, երկրի վիճակը չի լավանա և, հնարավոր է, որ քաղաքական գիտակցության եկած մեր այս տարրերն իրենց ինքնագիտակցության պահն օգտագործեն:

– Ես ամենագետ չեմ, բայց ինչքան կարողանան երկիրը հեղափոխություններից և հեղաշրջումներից հեռու պահել՝ փառք իրենց, այնքան լավ կյանքի և մարդկության համար:

– Դա գրողի, մարդասերի Զեր հայացքն է:

– Չե, գրողի իմ հայացքը չե, իրականություն է: Դրսի շատ ու շատ երկրներ արդեն տասնամյակներ ու նույնիսկ հարյուրամյակներ խաղաղ առաջընթացի մեջ են շնորհիվ այն քանի, որ ամենօրյա հեղափոխությունների, ամենօրյա նորոգումների, վերակառուցմների մեջ են, պայքունակ իրավիճակներն ու պայքուններն այդ երկրներում բացառվում են անընդհատ:

Խոստովանեն, որ մի տասնինգ տարի առաջ ինձ այնքան էլ ճախամձելի վիճակում չթողեց ամերիկացի իմ ծամոթ հայուրի գրեթե աղջնակը. քոլեզի ավարտաթուղթը գրելու համար այստեղ էր, ուզում էի իր երկրի իմ գիտակությամբ աչքի ընկնել, բայց իմ ամբողջ նորույթը նրա համար արդեն շատ հին էր. «Ֆոլքսները: Անմեռավ: Մեռավ: Ավելայքը այլևս 45 տարեկան է, կարծեմ 45 տարեկան է, ամ ալ մեռավ»:

**Ուրեմն կեցցե բողբոջը, կեցցե թոթիոջը, որ ամեն օր ծնվում ու խփում է:** Անընդհատ ծնունդի պիտի ներկա լինել և գեղարվեստում, և կյամքում: Պիտի անընդհատ թոթափենք մեր մտքին ու զգացնունքին կարծրացող ժանգը: Եվ շատ առում-ներով դրսեցիները պետք է մեզ ուսուցիչներ լինեն:

– Կարծես թե իրապուրում եք այստեղից մեկնողների երևակայությունը:

– Ես չեմ կարող գնացողներին անիծել՝ իրենք են իրենց կյամքը տնօրինողները, բայց նաև՝ պաշարված այս միջնաբերդից ամեն մի հեռացում ես դավաճանություն եմ համարում: Բայց պետք է տեսնել, որ մտքերի այս հեղափոխությունը մեզանում հենց այդ Ֆոլքները, Սարոյանը, Դալին արեցին, դիկտատորի պատվանդանը մեզանում Մարկեսը քանդեց: Դուրսը վիթխարի ծառայություն ունեցավ մեզ համար՝ հեղափոխիչ նշանակություն. պատահական մի արտահայտություն, մի ժեստ, մի ծամաձոռություն գալիս, գաղափարախոսական մեր ողջ կեղծիքը մերկացնում էր:

– Այսօրվա մեր իրականության լեզվով ասած, Դուք Զերքունցքը բարձրացնում եք՝ ի համերաշխություն հոգնոր հեղափոխությունների և նույն բռունցքով մերժում բոլոր քաղաքական հեղափոխությունները:

– **Թերևս:**

– «Անշնար, որպես քնքուշ մութի թև» ձեր ստեղծագործության «սարերն» ու «ծառերը» մեղմիկ շոյելով անցնում է թումանյանը: Զեզ կարդալիս անընդհատ տեսնում ենք թումանյանին՝ հայոց «ղղժար» աշխարհին նայելիս: Դուք չեք փախչում այդ հայացքից, ավելին՝ դարձնում եք սեռուն:

– **Ամենահոխորուուն տարիքում մտածեցի,** որ «Անի» եմ գրելու, հետո դա մի կողմ ընկապ: Եկա, կանգնեցի, թե «Փոքր Սիեր» եմ գրելու. այդ տարիքում դեայի վաղը չես նայում. մտածում ես ծիածանագույն հեռուների, անցյալի նոստագիական կանչերի մասին՝ քրոնիկոնների գեղեցկությունը հմայում է. մի խոսքով՝ հեշտ հաղթահարելիին ես գնում, այդ կանչերի մեջ

«Փոքր Մհեր» մտածվեց, զուգահեռ մտածվեց՝ «Թումանյան» եմ գրելու, փոքր սինմաներ կազմեցի, մեկ էլ տեսնեմ թումանյանն ու Մհերը նույնն են բացարձակապես. և պարտությունը, և քարայրը, և մահը. և տեսա, որ «Թումանյան» չեմ գրելու: Արհասարակ դեմ եմ, որ արդեն կայացած անհատականությունների մասին բաներ գրվեմ, Աստծու, ժողովորդի թե հեղինակի ջանքով է կայացել այդ անձը՝ կայացել է արդեն. ասենք, Անդրեյ Բոլկոնսկին և, ասենք, Շովիաննես թումանյանը. թումանյանի վրա աշխատել են Ռաֆֆին, Արովյանը, Թիֆլիսը, Սարիամ թումանյանը, Դսեղը, «Գիքորը», մի խոսքով՝ կայացրել են: Անդրեյ Բոլկոնսկին Տոլստոյի ջանքով է կայացել, իրականության մեջ երկուսն էլ կան, ուրեմն կարիք չկա, որ ես կրկնեմ: Եվ կարծեմ, որ կայացած անհատականությունների մասին բոլոր ձեռնարկումներն ի սկզբանե դատապարտված են ծախողումների: Կրկնություն են: Դրաժարվելուց հետո տեսա, որ ոչ թե նման թումանյան են երբեւ ստեղծելու, այլ ամեն անզամ նրանցից մի նշխար են նետելու իմ շարադրամքի մեջ՝ ընթերցողի միասնական ջանքով, ընթերցողի երևակայությունը ևս իրապուրելով՝ նրա պայծառ կերպարն արժարժելու:

– Որպես ընթերցող պետք է ասեմ, որ դա Չեզ հաջողվում է, Դուք իրոք ժողովորդին եք հանձնում թումանյանի ձեր բաժինքը: Արտասահմանցիությունը ձգում էր մեր սերնդին, մենք գրեթե մոռանում էինք Գիքորին (նա մեր հասարակարգի ծնունդ չէր, նրանց ծնում էր կապիտալիստական հասարակարգը), բայց այսօր ինձ նման շատերը դեպի թումանյան են գնում նաև Չեզնով: Շնորհակալություն: Սա այսպես. իհմա Դուք չե՞ք զգում, որ Չեզ հակադրվում եք. գեղեցիկի իմ զգացողությունը մի պայծառ ժպիտ ունեցավ Չեր խոսքի այն պահին, երբ համեմատեցիք թումանյանին և Բոլկոնսկուն որպես կայացած մեծություններ. օգտվելով Չեր իսկ համեմատությունից՝ ուզում եմ հիշել Ալխոյին: Ալխոն ևս կայացել էր, նրա կողքին հայտնվեց Աղունը, հետո ծանր ու մեծ եկավ Տերը, նրանք բոլորը «բեռնաձիեր» էին, դե եթե մեկը կայացել էր, մյուսն ինչո՞ւ եկավ:

– Ուրեմն, 62-ին մի գործ գրեցի, մի հարյուր էջ մեքենագրեցի, լավ բաներ կային, բայց որպես ամբողջություն չէր կայացել, և ես տեսա, որ մեկ ու նույն նպատակին պիտի մոտենամ տարրեր տեղերից՝ զուգորդումներով, մի տեղ դա ծի կլինի, մի տեղ՝ Աղում...»

– Չի՞ ստացվում, որ Դուք Բիտով «ճշմարիտ արվեստագետի» ննան «տուն» եք կառուցում:

– Ինձ ավելի շատ անտարի կերպարն է սիրելի:

– Ետ դառնանք կրկին դեպի Մեծ լոռեցին. ի՞նչ էր անելու այսօր նա:

– Այն էր անելու, ինչ որ իր հար ու ննան վիճակում արեց՝ որդուն դրեց ճակատի առաջին գծում ու զոհեց, եղբորը դրեց ճակատի առաջին գծում՝ զոհեց, տարիներով ծգծզվող հիվանդությունը անմիտքար վիշտ դարձավ ու խեղդեց իրեն: Ինքն այն էր անելու, ինչ մեզնից յուրաքանչյուրն այսօր՝ իր ժողովրդի հետ պիտի տապակվեր: Այսօր, երբ մեր ժողովրդը մենակ է թողնված սև խավարի մեջ, այդ նաև իր լավ կողմերն է բերում հոգնոր ինքնավարություն, հոգնոր անկախություն, աշխարհածանաչում, ինքնածանաչում և, ինարավոր է, որ այսօրվա սերնդի մեջ առաջանան էն տղերը, որ 70-ամյա դիմագրկության տարիների վրայով փոխկանչի մեջ մտնեն իրենց նախնու հետ, որ երբեմն 50, երբեմն 500 ծիավոր հետևը գցած՝ իր սպիտակ դրոշը՝ խաղաղությունը, պարտադրում էր թշնամուն, և դա խնդրարկուի բանագնացություն չէր թշնամու ոտք, նա իսկապես իր խաղաղությունը պարտադրում էր:

– Երբ կարդում ենք արտասահմանյան ամսագրերի կամ, ասենք, վերջին շրջանի «Լիտերատուրնայա գագետային» տված Զեր հարցագրույցները, տեսնում ենք՝ հայ իրականության մեջ այդպիսիք չկան, Զեր հարցագրույցը դեռ չեք տվել մեզ: Ինչո՞ւ:

– Այն դիտողությունը, որ ես «Ամերիկայի ծայն» ռադիոկայանի հայկական բաժնի վարիչին արեցի, հիմա քեզ եմ անելու. չեք պահանջել այդպիսի հարցագրույց, պահանջելիս էլ՝ չեք զորել իմ կարողությունների լավագույնը կորցել: Այլ եք դուք, երբ այլազգի

որևէ գործչի եք մոտենում, և այլ եք՝ երբ հայ մտավորականներիս եք մոտենում: Ես պիտի ուզենայի, որ մեզ հետ խոսելիս ձեր պատասխանատվությունը ձեր իսկ առջև ավելի մեծ լիներ, քանի որ դա քչերիս պատասխանատվությունն է հայոց լեզվի, հայ մշակույթի, հայ քաղաքական մտքի առջև: Թո այդ «Լիտգագետայի» աշխատակիցն ինձ հետ իր յուրաքանչյուր հարցազրույցի վրա մոտ կես տարվա ժամանակ է ծախսել, մի ուրիշը պատրաստի նյութի սրբագրությունն ինձ հետ համաձայնեցնելու համար երկու կամ երեք անգամ Սոսկվայից Երևան է եկել: Դու միայն ճանապարհի, օտարության տիհածությունը պատկերացրու: Թո գալուց առաջ թերթում էի «Ազդակի» բացարիկը: Դու տես այդ տղաների լրագրական կուլտուրան, ի՞նչ հոյակապ սերունդ է ուղղակի իսկական ազգային հպարտությունը դա է, կարող է Բեյրութի իր անցենզուր թերթում ինչքան ասես հայինի բուրքին. չի հայինում, իրեն չի աղտոտում. դա մարդկային հրաշալի հատկանիշ է, աշխարհին հոր պես նայելը, որ իր դրսնորումն է գտնում նաև ու առաջին հերթին հայ գրողիս, լրագրողիս մեջ: Դիմա կարո՞ղ եմ թարմ օրինակի վրա ինձ հակասել. Վահաբզաղեն «Սվորողայով» հայինել է հայ իմ ցեղը՝ իմ կանանց, իմ մեծին ու փոքրին, իմ աղջիկներին, բեր ես էլ իրեն հայինեմ. Ես չեմ հայինելու, նրա ժողովուրդը շատ ավելի իմ ժողովուրդն է, քան իրենը:

— Տեսնում եք, մենք չենք հայինում. նստել մարդկայնության բարձր արորին՝ անընդհատ կործանվում ենք: Մեր մարդասիրության երեսից Յայաստանը դարձել է մեջքը ջարդված քարտեզի գիծ: Ես, Դուք հավատացյալներ չենք եղել, բայց ի ծնե՝ մեր գեներով քրիստոնյաներ ենք, մենք էլ արդեն կայացել ենք, իսկ մեր հողերը չկա՞ն:

— Ասելությունը, դաժանությունը հաղթանակ չեն ունենալու: Երբեք: Ոչ մի կասկած չպիտի լինի՝ մենք առաջ ենք գնում, և մեզ ընդառաջ է գալիս քաղաքակրթությունը. այսօրվա մռայլ, ժամոր, ամպոտ եղանակը, դրսի այդ գրգռիչ լուրերը մեզ մեր հունից

չպետք է հանեմ, քաղաքակրթությունից մենք եկել և գնում ենք դեպի քաղաքակրթություն:

– Բայց չէ՞ որ ահօելի կորուստներով ենք գնում, ինչքան քիչ ենք մնացել. չի՞ գա այն պահը, երբ քաղաքակրթության ճամփուվ մի քանի հոգի գնան:

– Մենք կորուստներ, այն էլ վիթխարի, տվել ենք այն դեպքերում, երբ մեր ծայնով չենք խոսել, մեր գործը չենք արել, երբ պարել ենք ուրիշի դուդուկի տակ: Բարոյականության ճակատում այսօր նոյնիսկ վիթխարի կորուստներ ենք տալիս, ինչպես խորհրդային բոլոր ժողովուրդները, բայց նորից պիտի ասեմ՝ դա մեզ չպետք է աղտոտի, որովհետև չաղտոտվածներին է ոչ թե երկնքի, այլ երկրի դրախտը: Բոլոր դեպքերում իմ ընկածը, իմ զորավարը, իմ գլուխվտրողը (Անդրանիկը մի գլուխ այնուամենայիկ կտրել է), իմ աղարտավորն ու անաղարտը ավելի բարձր մարդիկ են, քան ուրիշների նմանատիպները, իրենց անկման մեջ իմոնք բարոյականության հետ հարաբերվելու մի եղանակում են:

«Դանքեական առասպելն» անշուշտ հիշում ես. այնտեղ հայոց մեր եղեռնն է, բայց թուրքի, քրդի հիշատակություն չկա: Իմոնք այդ են՝ իմ բանատեղը, իմ զորավարը, իմ շարքայինը, իմ ազգայնամոլը... բոլորը: Մեր թշնամին ասես ոչ թե այսինչ ազգության այսինչ գործիչներն են, այլ արտահասարակական ու արտամարդկային ինչ-որ չարիք, որ ուզում ենք դատել ու հեռացնել:

Զորավարը նա է, ով պաշտպում է ոչ միայն քո, այլև թշնամու բանակում: Կարող է պատահել, ասենք, պատմության խաղալիք՝ քո զորավարը դառնա նրա զորավարը. զորավարը պիտի երգվի նաև թշնամու բանակում. իսկ եթե նա եղավ քո բանակի աստվածը և մյուս բանակի դահիճը, այդտեղ արդեն մարդն ու մարդկայնությունը վերացան: Իմ Անդրանիկը այդ բարձր առաքինությունների զորավարն էր, իմ Չառլզ Երգվել է և քրդերից, և իրենցից՝ թուրքերից: Էնվերին իրենց բաքուն նկուղներում նրանք թերևս փառք են տալիս, բայց այդ կնամարդը իմ ժողովրդի

դահիճն է: Իսկ եթե այդպիսի գլխակեր մեկն ունես, քո պատմության մեջ նրան դեր այնուհանդերձ հատկացնելով՝ նրան ժողովարան չես բերում, չես հանում Եվրոպա կամ Դայաստան որպես մարդասիրության տիպարի:

– Ամաչում-չօքում ես Ամերիկայի առաջ, պաղատում՝ չի՝ եղել, հավատա՝ չի՝ եղել, ասա՝, որ չի՝ եղել, չոքած աղաչելիս ել արյունոտ դանակդ գրպանից գլուխը հանում է:

– Այո, մարդն ուղակի կարող է ընկնել մինչև անմարդկայնության հատակները, բայց երբ գիտակցման-գնահատման ժամանակն է գալիս, երբ անասունի պահից բարձրանում է ասունի ժամանակ՝ չի ուզում տեսնել բռնաբարվողին ու մորթվողին՝ որ ինքն է արել, սթափության պահին չի ուզում իրեն անասուն տեսնել, չկա՝, չի՝ եղել:

– Նրանք դարերի մեջ չեն կարողանում քաղաքակրթվել, կարծես ծնվում են՝ հուդա՝ ասեմ, սատանա-մարդակե՞ր. պիտի լինի՝ մեկը, որին նրանք ուտեն: Քրիստոսի մեր մարմինը հանձնում ենք նրանց, որ փրկե՞նք աշխարհի քաղաքակրթությունը, կարծես գնում ենք դեպի այն գաղափարը, թե մեռնելն ավելի լավ է, քան սպանելը:

– Զգուրգուրենք այդ միտքը. Երբեք էլ այդքան ոչ անզեն ենք եղել, ոչ ինքներս մեր նկատմամբ այդքան դաժան:

– Բայց երբ պահը գալիս է, Դուք ո՞րն եք ընտրում՝ մեռնողի՝, թե՝ սպանողի հավատամքը:

– Ապրողի՛: Միայն ապրողի: Իմ քորը պիտի պապ ունենա, պապը Ստամբուլի բազարից նրա համար զմրուխտի մատանի է բերելու, նրա հարսանիքին պար է գալու:

Մյուս կողմից էլ Նիշեի միտքը ո՞նց է՝ մուրացկամին ոչնչացնել է պետք, որովհետև եթե գրոշդ նետեցիր, նրան իհարկե փչացրիր, բայց առաջին հերթին քեզ փչացրիր, որովհետև քո մեջ աղա, պարոն, իշխան դաստիարակեցիր: Ինչո՞ւ, ես եղ ո՞վ եղա՝ որ մեռցվելու, սպանվելու միտքն ինձանում կրթելով՝ ինձ խոտաճարակության դատապարտեմ և նրան էլ մարդկանց ճակատագրերի տնօրեն կարգեմ:

Ապրել, միայն ապրել՝ հավասար, հարգաճքով: Նա կա՝, թող իր համար լինի, բայց սահմանս չպիտի տրորի, թող գորանա, բայց ոչ երբեք իմ հաշվին, իր սուլը թող իր ուսկորի վրա սրի և ոչ իմ:

Այս առումով, թերևս, պետք է Նիշանովին, Լիգաչովին ցանկալ, որ իրենց մայրը, կինը, քույրը հայտնվեն մեր ծեծվածների ու լլկվածների վիճակում, այդ դեպքում ցավը գուցե տեղ հասներ, չնայած նրանք այնքան մեռած գոյեր են, որ իրենց քրոջ ցավն էլ չի հասնի նրանց:

– Աստված ցավ չիասկացողին, ուրիշի ցավը չկիսողին՝ ցավին արժան չի անուն. բոլոր դեպքերուն մենք քրիստոնյաներ ենք, և մեր քրիստոնեության մեջ անեօք չկա, նաև որ՝ խեղճությունն է անեօք բերում՝ չխեղճանանք:

– Այո՛, չխեղճանանք. Երկու խոշոր տղա ունենք, երկու բարձր մարդ՝ Թումանյան և Չարենց (Սարյամին, Սարոյամին, Խաչատրյանին... մյուս շատ անմոռանալիներին մի րոպե մոռանանք). այնպիսի հանճարներ, որոնց գործում ուղղակի անեօք ծորող նյութը անեօք չի կորզում, այլ հպարտ վիշտ է սփոռում իշխողի-տիրակալի.

Անխոս հայացքով իրար թաղեցինք,  
Իրար իոգու մեջ գերեզման մտանք...

– Թող ոչ մի զոհ չպահանջվի ինձնից բացի,

Ուրիշ ոտքեր կախաղանին թող մնու չգան:

Ահա և հասունացավ հարցը. գիտենք, որ Աստվածաշունչը մարդկային մշակույթի մեծագույն կոթողն եք համարում, Դուք զգո՞ւմ եք, գիտե՞ք, որ կգան այսպիսի ժամանակներ, երբ գրեթե ողջ հայ ժողովուրդը, «բեռնավորված ու հոգնած», երեսը կդարձնի դեպի իր սկիզբ՝ իր բաժին երկինքը, մաքրության ու փրկության սպասելիքով: Դուք հավատացյա՞լ եք:

– Ես լուսավոր մենատների, մաքուր այգիների, առողջ երեխաների, հնուտ բանվորների, գիտակ թժիշկների, անպիղծ բանաստեղծների երկրին եմ հավատում: Մարդու մեր գործը մեր կարեցածի չափ անթերի անենք և նոր միայն փրկության ու փրկչի անունը հիշենք:

– Իսկ եթե ծնվեիք այնպիսի հասարակարգում, ուր մարդիկ կոնունիզմի հաբեր կուլ չտվեցին և հավատքի առաջ սպասավոր մնացին, հայալեզու մնացին՝ ի տարբերություն հարևան հանրապետության մեր ազգակիցների<sup>o</sup>:

– Բայց «դրսում» հարցի մյուս երեսն էլ կա՝ որ կեղևից դուրս գաս՝ ո՞ր աստծու հանդերձի մեջ մտնես: Օտարության ռեժիմի մեջ՝ չեն ուզում լքել իրենց հորենական տունը՝ իրենց կրոնն ու լեզուն: Ապագայում այստեղ էլ չենք լքի: Աղրբեջանի և Միության այս հակահայիզմը մեզ ու մեր հայրենակիցներին միայն մի բանի են մղում՝ մեզ համար «օտարություն» դարձնելով վիրխարածավալ այս ամբողջ երկիրը՝ մեզ վերադարձնում են մեր ազգային կեղև: Տեղաշարժերը մեր սոցիասարակարգում և բուն հասարակարգի տեղաշարժը մեր ապագայի օգտին են՝ Միությամբ մեկ նորից են ծաղկելու մեր գաղութները, «ամերիկացիներ», «պարսիկներ», «բեյրութցիներ» ենք ունենալու արդեն Միության մեջ:

Կրոնի այրութենն ի սկզբանե եթե ինձ տրված լիներ, ես պատրաստ կլինեի քո հոգևոր գրույցին ընդառաջ գալ կամ չգալ, իսկ այսպես՝ անտեղյակների խոսակցություն է: Դու պատահակա՞ն ես համարում, որ ահա մեր սերունդը Նարեկացի ընկալելու անընդունակ էր: Կուգենայի, որ իմ զավակները դրանից գերծ լինեին, որ մեր մշակույթի այրութենը լրիվորեն գիտենային:

– Երբ Դուք «ոչ քառասուն տարեկան էիք և ոչ էլ քսանիինգ, այլ ուղիղ Զեր տարիքին էիք՝ Ե-րեսուն», համարձակորեն մերժում էիք Անտոնիոնիին և ճշում, թե՝ ո՞չ, մարդը մենակ չէ այս հանրակացարանային երկրում: Ապա, երբ Դուք ոչ քառասուն էիք, ոչ էլ երեսուն, այլ ուղիղ քառասունիինգ, գորեցիք «Տերը» ու ասացիք. «Մի օգնական չունեցավ իմ ախատերը, ժողովրդի թիկունք իմ ախատերը...»:

Ռոստոմը խոր ցավով ասում էր՝ «որ մենք ենք ասում՝ ուզում ենք, մատաղ, Անդրանիկ գորավար լինենք, բայց ոչ ետևներիցս եկող ժողովուրդ ունենք, ոչ էլ առաջներս՝ թուրք թշնամի»: Թվում

է, Դուք «Տերը» վիպակում վրիպել եք ինչ-որ չափով. այսօր Ռոստոմ-Անդրանիկը և Ետևից Եկող ժողովուրդ ունի, և առջևում թուրք թշնամի հիմա հ՞նչ է անում և մտածում նա:

– Միեր Փոքրը մեր զրույցի մեջ հիշատակվեց: Գիտե՞ս, ինձ միշտ թվացել է, և այդպես է, թե Դավթի գործը Միերի կռվից հեշտ է անճռոնի, ահրելի, բայց նյութական ու իրական Մելիքի փոխարեն թշնամին Միերի առջև նոր կերպարանք է առել՝ որ աննյութ ու անորսալի է, որ խփում է, բայց չի խփում, հալածում է և չի հալածվում:

Թուրքը՝ թուրք, և թուրքը մեր ամբողջ երկինքն անցյալից մինչև ապագա բռնել է, բայց մենք մի որևէ հայրուկի չափ ազնվորեն միամիտ էինք լինելու, եթե գոնե չփորձեինք կռահել այն անորսալին, որ թուրքին հայի և հային թուրքի թշնամի է անում:

Մեր դժբախտությունն է, որ անմարդկային ատելության քառոր մեր մեջ ամեն անգամ հունցվում, գալարպում և թուրքի կերպարանք է առնում՝ իր այլ ու ավելի համոզիչ կերպարները վստահելով այլազգի գորողների, փիլիսոփաների, մտածող մարդկանց:

Այս ամեններն էլ չի նշանակում, թե ճգնաժամային պահերին մենք պետք է երես դարձնենք թուրքի այդ ստույգ սփաթից և սևեռվենք ինչ-որ վերին, վերացական թշնամիների: Չենք կարող, անհնար է, ճակատագրի չափ պարտադիր է: Իմ Ռոստոմն այսօր թերևս մեր և մենք էլ իր խոսքն էինք ասելու. «Դաա~ն, նանք. Թալեաթի թոռ, կապածդ ջրում քեզ խեղողիլ տեմք. մարդկությունը սովորովի չի, բայց մարդուն ընտելանալ պտես»:

– Զեր գոյության մի նասն Են կազմում սցենարներն ու ըստ նրանց նկարահանած կինոնկարները: Իմ կարծիքով՝ դա նման է ջրհորի, ուր իջեցված է դույլը, բայց բարձրացնող չկա. Չո՞ւրն է սառած, որ տեր չեն կանգնում, թե՞ դույլը վերև բարձրացնողի ձեռները չեն գորում:

– Գրվեց «Մեռելալույս» վեպը՝ մի 150 էջ, կիսատ մնաց, ասացի ինձ ավելի պատրաստեմ ու սկսեցի պատահականորեն «Տերը»

գրել, «Տերից» էլ արծարծվեց համանուն կինովիպակը. գուտ նյութական կարիքն ինձ մղեց դեպի այդ արկածախնդրությունը, «կինոշնիկներին» չեմ սիրում, մանավանդ մերոնց՝ կիսատ ժողովուրդ են: Դատկապես մերոնց են ասում, որովհետև գրողներից ավելի ազգային առաքելություն իրենց էր տրված, 250 միլիոնանց համախորհրդային դահլիճի հետ ամմիջաբար հարաբերություն հնարավորությունն իրենց էր տրված, տրված էր և չհարաբերվեցին. աշխատասեր, արդարամիտ, բանիմաց, ներող, համբերող, տառապած ու դարձյալ մեծահոգի, դարձյալ մարդասեր ու լավատես հայի կերպարն այսօր չկա միութենական ու համաշխարհային կինոհրապարակում, և կենտրոնական հեռուստատեսության սադրիչների համար այսօր իհարկե հեշտ էր լինելու նման ամայի հրապարակ նետել հայի իրենց հորինվածքը:

Եվ ինչ շատ ու հիանալի «նյութ» են փշացրել՝ համարիր անցյալի ու այսօրվա ամբողջ հայ գրականությունը: Պոտուղ չի տվել նաև իմ «կինոգործը» և կինոյով մեզ համար մի լավ բան անելու իմ մոլի ցանկությունը:

– Ես համաձայն են Զեզ հետ: Զեր գրականության սիրահարն են, բայց եթե անկեղծորեն ասեմ անձնական կարծիքս, ապա Զեր գրականությունը ավելի վստահ ու հստակ է քայլում, քան ձեր սցենարական «գործը»: Այն, ինչ այնքան սիրուն էր Բակունցի մոտ («Միրիհավ», «Այս կանաչ-կարմիր աշխարհը»), Զեր գրչի տակից կարծես փախել է: Գեղեցիկը, հոգու գաղտնիքը կողպել էր Բակունցը՝ օգտագործելով ընթերցողի երևակայությունը: Ընթերցողի մեր գաղտնիքը Դուք աչքառ էիք հանել, ինչո՞ւ:

– Ես գրելուց հետո երկար գուրգուրում էի, որ եթե օրինավոր մարդու ձեռք անցնի սցենարը, ահա էս-էս բաները կիավելեմ, չհավելեցի, բայց նույնիսկ եղած սխեմայով կարելի էր լավ ֆիլմ նկարահանել: Բակունցը գործը տարել էր այլ պլանով՝ հայ փակ գյուղում մի պահ մի շող է խսկում. իր ժամանակների ասկետիկ ժուժկալությունը պատկերացրու հապա մի, երբ փակ հայ կինը,

**բողոքի պես, մի անգամ բացվում է: Լկող ու ցինիկ մեր այսօրվա աշխարհում ես բոլորովին հակառակն էի արել:**

– «Մենք ենք, մեր սարերը» լավ ֆիլմից հետո ասպարեզ իջավ «Աշնան արևը», հետո՝ «Տերը», որի առաջաբանում (ամսագրային տարբերակ) Բազագ Արտեմի առջև կանգնած Յամբոյի նաման խնդրում-աղաչում-շատ ուզում եք, որ դա էլ չփչացնեն. ինչպես եք ընդունում նաման աղավաղումները (չնայած լսել եմ, որ հիացած եք «Աշնան արև» ներկայացնամբ):

– Չէ, հիացած չեմ, վկաներ-բաներ ունեմ:

– Իսկ ինչո՞ւ նախօրոք այդ աշխատանքներին չեք հետևում, թեկուց, ասենք, գնայիք նկարահանման հրապարակ, մի նայեիք, մի ուսները թվեթագնեիք, բաներ հուշեիք, եթե հարկ լիներ, հենց տեղում էլ նեղանայիք ու նեղացնեիք:

– Մարդկանց վիրավորելը հեշտ չէ: Յանդիպումներից մեկի ժամանակ հարցրել են, թե թերությունս ո՞րն եմ համարում, ասել եմ՝ ներողամտությունը: Այո՛, պիտի նեղանայի ու նեղացնեի: Չեմ արել ու ամեն անգամ քթերից է եկել: Մյուս կողմից էլ՝ ամհնար է: «Չեխերենիդ ինչո՞ւ չես հսկում», «ոռուսերենիդ ինչո՞ւ չես հսկում», «ֆիլմիդ գլխին ինչո՞ւ չես կամգնած»... Վերջին հաշվով դա նրանց գործն է՝ ռեժիսորի, թարգմանչի՝ քո գործի նոր տերերի:

Գործ ես ամում՝ արա:

– Պլատոնվ, Պաստեռնակ, Դուդինցև, Այթմատով... Ընթերցողական և քննադատական լավագույն միտքը նրանցով է զբաղված: Ես տեսնում եմ, որ Չեզ գոեթե չեն հիշում: Նացիոնալիստ իմ սերնդակիցների բերանով ասում եմ, որ Չեր արձակի տեսակը մենք սիրում և շատ բարձր ենք գնահատում: Դուք ինչպես եք վերաբերվում միութենական այդպիսի մոռացումներին:

– Միութենական հրապարակը գիտի հանիրավի մոռացության տալ և ապա նույնքան հանիրավի պանծացնել: Այդուհանդերձ իմ վիճակը միութենական գրական ընտանիքում այնքան էլ վատ չէ, անմիջիքարը ամբողջ հայ գրականության վիճակն է: Եթե, ասենք, Սահյանի, Դավոյանի, Աղասի Այվազյանի և դարձյալ մի քանիսի

անշուշտ մեծարժեք ստեղծագործության վերաբերյալ մենք դեռ կարող էինք վերապահումներ ունենալ, ապա անվերապահ մի կամ երկու մեծություն ունենք, որ քո այդ հրապարակում չկան Զարենց, Բակունց: Նշանակում է միութենական հրապարակ ասածի հասկացությունը որպես այդպիսին չկա, կա ոռուսալեզու գրականության հրապարակ, որի օրինական տերերը թվարկածդր հեղինակներն են: Փառասիրությունս անպայման շոյված էր լի-նելու, եթե իրենց յուրայինների հետ հավասարապես և իմ անունը հոլովվեր, ինչ-որ անգոր, վերազգային, վերհայկական դասականի հովեր առած էր լինելու, բայց հուսամ, որ երբեք էլ չպիտի մոռանայի, որ դա «Սպլատիլա նավեկի վելիկայա Ռուս» կարգախոսի իրացման նշաններից է:

– «Քաղցը դեկավարում է աշխարհը», – ասում է Սոլժենիցինը. մեր գրույցի ամբողջ ընթացքում իրեն տեսցրեց և չտեսցնելով չկորավ Զեր սերնդի սոված (իր բոլոր նշանակություններով) լինելու հանգամանքը: Մենք՝ մեր սերունդը, այնպես կուշտ ենք:

– Ես իմ քաղցի զգացողությունը չպիտի կորցնեմ, Սոլժենիցինը շարունակության մեջ ասում է, որ քաղցը դեկավարում է բոլոր քաղցածներին, թե քաղցածը գիտակցորեն չի որոշում մեռնել: Որովհետև դավերով լեցում այս աշխարհում ամեն վայրկյան կարող են քո, որպես ջրի տակ իջած ջրուզակի, խողովակը փակել, խեղդել-չխեղդելով քեզ իրենց երախտապարտ պահել, քեզ իրենց ոտքին կապած հավատարիմ շուն պահել, որպեսզի քո զանգվածից այն թափեն, ինչ իրենք են ուզում, քեզ կոխեն այն վաշտը, որ իրենց դրկած ուղղությամբ է գնում: Եվ ուրեմն՝ դու պիտի այս հողի վրա կանգնած բազմաշնորհ այն մարդը լինես, լինես այն մարդ-պետությունը, ինչպիսին իմ պապն էր, ես ջղուտ այդ կերպարն եմ ընտրելու: Այս երկրաշարժը, թաթարների այս մշտակա ագրեսիան մեր թույլ, մեր անջիլ հաջորդներին այսօր կանգնեցրել է ծանր խնդրի առաջ: Դայրենիք-Դայաստանը ինձ տվել է իմ ապրած 100 լավ օրի 99 օրը, և իհմա աշխարհի թշնամական կամ խեթ վերաբերմունքը իմ ժառանգներին հետ է

մղում դեպի այդ հայրենիքը, և նա նույնպես իր լավ շատ օրերը հայրենիքի վրա է ապրելու:

– Չեր գրականությունը կարծես մեր սերնդի կարգին տղերքի ճամփեն փակեց, ինքներդ թռիչք արեցիք և թռիչքի մեջ սահմանագիծ թողեցիք հաջորդներին: Երբ զգում եք, որ Զեզնից հետո դժվար է նրանց համար ստեղծագործելը, ի՞նչ եք անում: Սիրո՞ւմ եք նոր սերնդին:

– Դարցիդ իմաստը չեմ հասկանում: Ինձանից հետո եկածների համար ինչո՞ւ էր ստեղծելը դժվար լինելու: Եթե վաստ գրող եմ՝ ուրեմն «անշուն գեղ են ընկել՝ թող անփետ ման գան», իսկ եթե լավ գրող եմ... *Տերյանից*, *Բակունիցից*, *Չարենցից*, *Սահյանից* հետո գրելն ինձ համար հե՞շտ էր լինելու, թե՞ դժվար՝ միայն հեշտ: Մենք ինչքան բուն կյանքի, նույնքան էլ մեր նախորդների ծնունդն ենք:

Գնահատականի ու սիրո մասին. *Տերյանին* իր հասակակից աղջիկներն ու տղաները գնահատեցին, Թումանյանին՝ նույնպես: Գրողին եթե իր սերնդակիցը գնահատեց ու գուրգուրանքով տվեց հաջորդին, նշանակում է ծշմարիտ արժեքը գտնվել է: Արդար պիտի լիներ, եթե նոր սերնդի տաղանդը հենց նոր սերնդի քննադատ-ընթերցողը գնահատեր:

– Բայց տեսեք, որ մեր երիտասարդները, *Տերյանն* էլ նրանց հետ, Թումանյանի դուռն են գնացել, Խահակյանի մոտ Չարենցն է ելել-գնացել ու ասել՝ բա՛, եկել են:

– Բայց *Տերյանի* հմայքը Թումանյա՞նն է նշել, *Տերյանի* մեծությունը Թումանյանի՝ տված չափով է չափվում: Թումանյանը միայն չի խանգարել *Տերյանի* վերելքին: Աչքերս ու ականջներս բաց՝ նոր սերնդի մեջ ես Աղասի Այվազյան եմ փնտրում, բայց դուք եք նրան մատնանշելու:

– Զուտ կանացի հարց. Ես չեմ ասում, ուրիշներն են ասում, թե Աղունը մեր Աղունն է (ինա անենաուժեղ կանացի կերպարը հայ գրականության մեջ), ապրի Աղունի ու նրա ստեղծողի արևը, բայց որ մի քիչ էլ դենն ենք նայում, տեսնում ենք լոբուտուն Սոնային՝ Սիմոնի գրկում, Մարիամին՝ Անդրոյի հետ, Մուրադենց

Են հարսին էլ քարանձավում՝ Ռոստոմի կողքին (՝), լաչառ Շուշանին... պատկերները կրկնվում են. Աստծո պատվիրանը (մի՛ շնանար) այս կետում խախտվում է մեր աչքի առաջ, բայց Զեր գրչից Զեր ավանդական մարդասիրությունն է ծորում: Աղունը, մեր մյուս կանայք կարդում, մեկ ասում են՝ կպատահի, երկու՝ վայթե, երրորդ՝ յա՛: Ինչպես եք Վերաբերվում և ստեղծում այդ կերպարները:

– Ես իմ ժամանակի վավերագրողն եմ, իմ մոր ժամանակի վավերագրողը: «Նրանք հունձ էին անում, եզան հետ լուծ էին քաշում, իրենց տղաների թիկունքին, հայրերի տեղ, եղրոր նման կանգնած էին»: Երբեմն իրենք էին իրենց քաժին սերը գողանում, երբեմն էլ ես եմ մարդկային պարզե ընծայում նրանց լորուտ-ներում, շոգ օգոստոսների մեջ: Պիտի ուզենայի իմ ողջ գործը մի կույր ուխտագնացություն լիներ առ իրենց մեղսավոր-ամնեղ ոտք, քանի որ մենք «Դավիթ», «Նարեկ», Կոմիտաս, Թումանյան ենք ստեղծել, բայց հայոց պատմության ամենամեծ ստեղծագործությունը հայ կինն է՝ աղջնակը, գաղթի ճանապարհի տատիկը, իրենց շքեղ մենատների տիրուիհները... Տեղին պիտի լիներ, եթե այսօր մենք «Մեր մայրերը» խորագրով ընտրանի ունենայինք՝ հայ արձակի ընտրանին հայ կնոջ մասին: Այո՛, մի երկու կերպար ես ստեղծել եմ, մի երկուսն էլ պիտի ստեղծեմ...

– Անվերջ կարելի է զրոյցել գրականության շուրջ, բայց մեր այս օրը մեզ ձեռովք է անում, և նրա պարտադրանքը վաղվա նկատմամբ հայրական վերաբերնունք ունենալն է: Յա՞րկ է արդյոք անընդհատ թշնամի տեսնել համձին աղբեջանական ժողովրդի: Յիշո՞ւմ եք Սոլժենիցինի մոտ. ստեղծված անելք վիճակից չեչեններին հանում է նրանց ուժեղ պահող, պապերի-սարերի օրենքը:

Կենտրոնը երբեք ի գորու չէ լուծելու մեր հարցը, և մենք մեր երկու ժողովուրդների սարերի-պապերի իմաստնությամբ առաջ-նորդվելով պետք է կարողանանք այն լուծել:

– Այո՛. հանդուզն մարդիկ են մեզանից ելնելու ապագա, Կովկասյան ֆերերացիա պիտի տեսմենք, վաղվա Եվրոպոլիս

քաղաքը (աստվածահայիություն չլինի և այս իրականության դեմ աչքերը փակել չլինի), երեկով մեր Զուղա քաղաքում ենք տեսնելու, այնտեղ էլ մի խաղատուն և կուշտ ու կրուգ մեր ջղային տիպերը՝ հայ, թուրք ու պարսիկ, նատել փոքր են խաղում: Միասին պիտի ապրենք: Նիազարա՝ Ամերիկայի և Կանադայի սահմանի վրա կանադական գորավարի արձան է կանգնած, որ ջախջախել է ամերիկյան բանակը, իսկ այսօր ավելի համակիր երկրներ չեն գտնի, քան Ամերիկան ու Կանադան:

Բայց մեզ համար այդ ամենը՝ վաղը: Իսկ իինա գիշեր է, և քանի դեռ մեր արևը չի բարձրացել՝ «բիր-իքի, Կավկազ բիզինքի» բորենիական կաղկանձ (թաթարների մարշն է, ասում է Կովկասն իրենցն է, թշնամին հայն է), հայակերություն, դավաճանություն մարդկային համակեցության տարրական կանոնին: Եվ այդ ամենը՝ վրազ-վրազ, թաթարավարի, ամենուր ու ամեն օր, երբ արևը բարձրանա՝ գոնե Կովկասում մենք չպիտի լինենք: Անասնապահից մինչև քաղաքագետ՝ իրենք տիրակալության հոգեվարդուվ են տապակվում, մենք՝ մեր ֆիզիկական փրկության մարդկային հոլոսով, իրենք մեր չլինելն են ուզում: Դիմանալ ու դիմակայել է պետք: Եվ եթե բարեկամության կամ բարիդրացիության ձեռք երբեւ պիտի մեկնվի՝ իրենք են մեկնելու: Բայց ես մեզանում չեմ տեսնում որևէ մեկին, որ կարողանա այդ ձեռքը բռնել: Որովհետև այդ ձեռքը հաճախ, շատ հաճախ է խուժում հայոց իմ ապագա և եթե անգամ այդ ապագայի մեջ՝ իմ նախնու և հաջորդի տանը չի գորում ավերել շատ բան, ապա շատից էլ շատ գոնե աղտոտում ու պղտորում, պղտորում ու աղտոտում է:

Դարցագրույցը վարեց Կարմեն ԴԱՎԹՅԱՆԸ  
«Ավանգարդ», 16.03.1990 թ.